

Chindoto na Amaroro

Chumaine, 12.9.2017

Obochenu ase Omotongi O Kare na Kare!

CHINDOTO NA AMARORO

na

Jeanine SAUTRON

EKANISA YA FILADELFIA,

“ENTIGARI”,

abwo barendete AMACHIKO

a NYASAE amo NESABATO YE

RITUKO RIA GATANO NA KABERE

CHUMAMOSI NOKWEGENA kwa YESO.

OKWEGENA kwa YESO:

OMOIKA

BW’OBOBANI.

- (1) **OGOSARIGWA NIGO
KORE GESIERI NA MONWA!
NIGO KORABE BWANGO
NA GOTAKAGEIRI.
NYASAE TATA
OSIEKEIRE ABARE ABAYE
IME Y’EEMA Y’OBOMENYO
OBOCHENU YA IGORO.
NIGO BAKENGEIRE
KORWA ASE AMAAKWA.**

Chindoto na Amaroro

Egesieri 538, Oborori Namba 1

OBORORI

- (2) Ense **yagambigwe.**

Tikogoonchorwa.

(3) YESO, omwana o Nyasae, osiekire egesieri ore nabare abaye *ime*. Bakengeirwe korwa ase abanyabibe na korwa ase amaaakwa atano na abere.

(4) Narorire ense etabwati omogoko, yomire pa goetera ase omorakera; ne chiora kera aase, chinyomba chirimerete ime ase amache na emegondo.

(5) Agacha gocha asende aiga igoro ase ense eye na agantebia,

“Oyo NOMOERIO

bw’ebinto bionsi!

Nigo okona gocha ang’e.

Oतिकire kororekana ase amaiso y’ense.”

Nigo twarenge ase eora enene na nigo twarigereretie amache amange mono, are gotirimboka atanyare gotangeka.

(6) Nyuma yaye, YESO agantebia:

“Oyo nomoerio

bw’ensa.”

(7) Nkairwa nomotomwa one tochie koumerana na YESO ime y’eema ya igoro. Akang’orokeria ng’a **ekina kia abare moyo na abakure kiaerire.**

“Nigo ore omoerio bw’ensa.

Ngaki chinde tichiyo:

Emiaka teiyo,

emetienyi teiyo,

amatuko taiyo.

Ngaki tichiyo.”

(8) **Ngaki teiyo naende.**

Oyo nomoerio bw’ense.

Nigo ore gesieri na monwa!”

(9) Omoerio bw’ense eye bono

osiekirwe.

(10) Ekina kia abare moyo na abakure kiaerire.

(11) YESO agateba: **“Baria bamanyete amachiko mbagambigwe namachiko, na baria batamanyeti amachiko mbagambigwe amachiko ataiyo.”**

[“Ekiagera **gwanchereria tikori ase Nyasae**. Naki **bonsi abakorire ebibe batari namachiko, nabasire batari namachiko; na bonsi abakorire ebibe bare namachiko, nabo baranacherwe ekina ase amachiko**. Naki tari abwo bakoigwa amachiko bare abanyene oboronge ase obosio bwa Nyasae, **korende mbaria bagoikerania amachiko, nabwo baraegwe oboronge.**”*Abarumi* 2:11-13]

(12) **Boigo emiaka 6,000 saitani aetwe yaerire. (Boigo rora egetabu Esegi Enene kia Ellen White.)**

[Korende buna ekanisa egoika ang'e nokoboorigwa kwaye kw'omoerio saitani nakore emeremo nokobua okonene mono Nigo agoika korwa igoro "ore nendamwamu enyinge, ekiagera amanyete ng'a engaki yaye nenke." *Okomaanoka* 12:12 Nakore emeremo "nokobua gwonsi, na ebikone na amakumia `oborimo." *Abatesaloniki* 2:9. Ase emiaka 6,000 oria okoroberia ebikorwa bi'obokebago oyio engaki gete orange ekerogo kia igoro mono ase egati ya abamalaika ba Nyasae obeire okwerwa kegima ase emeremo y'obong'ainereria na y'ogosaria. Na obotambe bwonsi bw'obong'aini bw'obosaitani na oborimo bwanyorirwe, obotindi bwonsi bwabeire bokogendererigwa ase chingaki echi chi'e chinyameni chi'emiaka mbirenterwe abanto ba Nyasae ase esegi y'omoerio. Na ase engaki eye y'emechando emenene abatunyani ba kristo nigo bare barwe ogokurerwa kw'ogocha gw'akabere kw'Omonene; abanto nigo bare baariganigwe gotenena bosio bwaye ekeru arache, "batari na kemoa gose na komocha." 2 *Petero* 3:14. *From here to Forever*, {*The Great Controversy Condensation*}, pages 11-12.]

(13) **YESO** akararia ng'a nere konya ore **Melchisedek** ime ya obomenyo bwa igoro, **ogosororera abanto baye na ense.**

Kerabe **omokuani onde** oorokire **oyore koreng'ana buna Melkizedeki** amang'ana ayio nigo are maiso marore mono kobua. Ere igo obeire omokuani, **tari ase ogochika kw'omoroberio bw'ogotunyana ororeria,** korende nase chinguru chi'obogima botari nomoerio ekiagera oborori bwarurwe, 'Aye nigo ore omokuani kare na kare, koreng'ana nomoroberio o Melkizedeki'...Korende ere, **ekiagera agendererete kare na kare,** nare nobokuani botari koonchoka. Ase ayio **nare nokobua gw'okobatooria {"abanto baye KORWA ase ebibe biabo" Matayo 1:21}** kegima abwo **bagocha ase Nyasae goetera asare,** ekiagera **nigo are moyo botambe ase okobasabera.** Naki nigo etogwenerete intwe tobe nomokuani omonene buna oyo, oyore **omochenu, otari na komocha, otari na kemoa, bwatananetwe korwa ase abanyene ebibe,** oimokereretigwe igoro ya igoro." *Abaibirania* 7:15-17, 24-26.]

Chindoto na Amaroro
Egesieri 538, Oborori Namba 2
OBORORI

(1) YESO nao are ase obomenyo obochenu bwa igoro. Nigo agendererete gosorora goika ekero ogoakwa kwa gatano na kabere koraumorwe igoro ase ense.

(2) YESO tararwa ase obomenyo obochenu bwa igoro. Nigo agendererete gokwana na ise. **Nigo agosorora na gwanchera amasabo ya abachenu** abwo bakorwa ase ense. Nigo are omorwanereri obo bwa amagima abo aiga igoro ase ense; **okobatooria ase oboikeranu.**

(3) **Abachenu** bagambigwe. Tibagoeta ase ekina rinde naende. **Omwana o Nyasae obabekeire ekemanyererio nomouri oye. Babekirwe ensemo.**

Tibakonyegerigwa na tibabwati okomocha.

["Erio nkaigwa **omobaro obo abwo babekirwe ekemanyererio, 144,000.**" *Okomaanoka* 7:4 "Birobio {*ebiuge*} bigatebigwa tibisaria obonyansi bw'ense, gose kemberi kende, gose mote onde bwonsi, otatiga bisarie abanto baria batari **nekemanyererio kia Nyasae ase amasio abo igoro.**" *Okomaanoka* 9:4. "Aiga nao **abachenu** barabe nokoremereria, **abwo babwatete amachiko a Nyasae na koba abegenwa ase Yeso.**" *Okomaanoka* 14:12

(4) Yeso agantebia, "Ebitaabo bitano nakemo bi'endamwamu yane biaumoirwe. Mbimente amakong'u igoro ase ense. **Egetaabo kia gatano na kabere nkeumorwe getabwati amabera.**"

(5) **ABANYENE OBORONGE BONO TIBAKOGAMBIGWA.**

basiekeirwe ime amo na YESO ase hekalu ya igoro.

(6) YESO nigo agosaba ase ise:
"Tata nigo ntagete baria kwang'eire babe nainche kare na kare."

(7) Nabamanyete bonsi ase amarieta abo. Omwana o Nyasae bono nigo aganyete bagende komenya amo nere.

(8) **Bono ense tebwati omosaberi onde .**

YESO ngochichare!

(9) Omwana o Nyasae agaonchoka na agantebia, **"Obuya bwane bwagoisanire."**

⁽¹⁰⁾ Akang'ira ase ebitabu bi'obobani bia Ellen White. Akabogoria egetabu **Esegi Enene** na agantebia nsome egetabu eke. Ebitabu bie **Chindoto na Amaroro** bibere birikire mbiarengeo ebio biagachire amo nebitabu ebi bi'obobani.

⁽¹¹⁾ Engaki eye nareng'e amo na YESO ekagera nkeba ng'a nigo nareng'e oyo bw'ebirengererio bi'ebibe, buna omonto bw'ebibe. Nigo nareng'e koigwa eki koba amo nere botambe kare na kare kerabe. Oboamate obonene mbwareng'e aroro egati yaye nainche. **Komomanya, komorora, na gokwana nere, eki naigwete ase okobera nere, nigo bware obokare na kare.** Tinchieti korora ebinto bionsi bi'ense naende.

⁽¹²⁾ Omwana o Nyasae nigo are omuya mono; ekio giankorete nkeigwa ng'a nigo nareng'e bosio **bw'oyomanyete enkoru ya mwanabanto buya kegima.**

⁽¹³⁾ Nigo nareng'e kogania enkwana eye egenderere ake; korende omomalaika orange ase obokoreri agatebia YESO, **Ebirogo biiariganigwe. Abachenu nao bare, na nigo bakoganyete gesieri."**

⁽¹⁴⁾ YESO akamotebia aigore egesieri na abatebie baikaranse ime ye hekalu yaye. Nigo riareng'e **Rituko ri'Esabato. Obomenyo obochenu bwa igoro bokaba hekalu ase ogosasima gw'Esabato.**

⁽¹⁵⁾ YESO agansokia isiko aase chianga chionsi chi'obobwatani chiagachire. Ngachirora chigachire buya mono. Akaigora ebitangora bi'ekekabati, na nkarora eyanga embariri, egetambaa gekobekwa ase omotwe, amagena akobekwa egekuba goetanana, na ebingere bie etahabu ebisinini. Ebi iga nigo biratigare aase aya kare na kare.

⁽¹⁶⁾ Erio akambeka ime ye hekalu na akambeka eroo entang'ani. Engaki eyio inche bweka nareng'e aase ayio.

⁽¹⁷⁾ Ekero aganyete **abachenu** bache, agatongia egetaabo kiaye ase oborendi obonene. Erioki rie rimisu rigiya rigesiarera aase aya.

⁽¹⁸⁾ Bono tabegete chianga chiaye chi'obobwatania. Nabo areng'e konyara gotaara buya ime ye hekalu eye. **Naki yakareng'e endabu, eyanga y'oborong'e bwa Kristo!**

⁽¹⁹⁾ Bosio bw'egesasimero eke kia amabera (ekerogo kia amabera), nigo areng'e gokwanera ise, **"Tata, nigo ntagete baria kwang'eire babe nainche kare na kare."**

⁽²⁰⁾ Nigo abwate okogania okonene mono gw'okomenya amo nabarabwo kare na kare, okwo kwabeire ang'e. Naki agatwanchete!

Chindoto na Amaroro Egesieri 538, Oborori Namba 3 **OBORORI**

⁽¹⁾ Nkarigereria gocha ase erumu enene. Nkarora ng'a abamura na abasubati baminto bachakire goikaransa ime ya aase aya. Nkarora ng'a omomalaika orange ase obokoreri nere orange kobatebia aase bagoikaransa. Kera oyomo nabwate ekerogo kiaye ime ya aase aya.

⁽²⁾ YESO, oyio oteneine bosio bw'ekerogo eke kia amabera, nigo areng'e gokwana amo na ise, na erioki nigo riare korwa ase egetaabo kiaye. Nigo areng'e gokerunda-rundia erio *nario* erioki rinyinge ri'ogotioka buya riresiarere kera aase.

⁽³⁾ Nkarigereria, na nkarora omonto omontang'ani ore aroro. Nyuma omonto oyo ataraikaransa ime ya aase aya, YESO agatebia omomalaika orange ase obokoreri

**"Morusie
chianga echio
amachanchabe.
Mosoke neyanga
endabu y'oborong'e bwane."**

⁽⁴⁾ Naende nkarigereria abanto bareng'e gocha, na nkarora abanto bataariganetigwe, *abwo* bachete ase enchera y'okobisa ebibe biabo igoro ase ense korwa ase YESO.

(5) YESO nabamanyete. Akabarora, nonya bamoereretie emegongo yabo ase ogocha atabaariganeti; abanto abwo tibaboyirie noboronge bwa Kristo. Ase igo, konyora tibaranyora eyanga endabu y'oboronge bwa Kristo. Nigo barenge neubi. Nigo babwate chianga chiabo abanyene.

(6) Ebibe biabo nigo biabisire korwa ase bamura na basubati bamwabo, korende tibare konyara kong'aina oria ogosoma enkoro buna egetabu keigoire. Bakebisa nyuma ya abanto erio bebise tibarorekana.

(7) Nkarora abanto bande besogete chianga chi'egense abwo barenge korusia abachenu amamocho, abwo barenge korwa ase ense. Buna basinyetwe gosegeta baria barengio erio batinyerie abanto bande inse abwo barenge gocha, tibagogete, ng'a baria barenge gocha aase aya, na abwo bamwanchete YESO, tibatagete gokora buna abwo bakorete.

(8) Ase igo, abanto aba bagatenena na bakarwa ase egati ya abande. Omomalaika orange ase obokoreri akabaigorera egesieri, na akagesieka magega yabo.

(9) Nigo babwate chianga chiarenge neubi.
**Embwa yabo tiyaroisirie koreng'ana
buna oria ore ekiorokererio, oyio ore
YESO:**

OKWEGENA NA OBWANCHANI.

(10) Nyuma ekero hekalu yaichorete abanto abwo bachete Esabato y'Omonene nkarora YESO okoringoria abanto abwo barenge aroro. Amaiso aye y'obotuki akaringoria kera enkoro, kera omonto.

(11) Nkarora ng'a omwana o Nyasae onyorire ime yabo embwa yaye engiya mono, **besogete nokwegena kogotooria, na obwanchani bwa Nyasae ime ase chinkoro chiabo, besokire ne chianga chi'oboronge bwa YESO.** Tibatagete gotigana nere rinde naende. Nigo barenge buya ime ase hekalu eye, ang'e nere.

(12) Naende nkarigereria. Nkarora omwana o Nyasae okogenda ase abanto bande abwo bataisaine

kobera aase aya – Akabatebia, “Inwe mbarabi? Ng'ai mokorwa!? Timbamanyeti.” – bagakira-kiri.

(13) Akabatebia: “Amabaga aino taiyo aiga.

(14) Abanto aba nigo begenete ng'a nabo YESO akobancha **ime** y'ebibe biabo. Nigo bakagete ng'a mbatoorigwe **ime** y'ebibe biabo. Tiyarenge bo. Ase ogochika kw'Omonene, omomalaika bw'obokoreri agacha; akabwata abanto aba amaboko na akabasokia korwa ase hekalu eye.

(15) Abanto aba bagaaka egeturi, **“Ntomwanchete YESO! Ntomwanchete YESO!”** Nigo biarenge ebirero bia amakweri, ebirero bi'ogokwa omoyo; eki naigwete nigo biarenge ebirero bia amakweri a kare na kare. Nigo barenge gotinera amatitiria inse namagoro abo. Emiaka emenge ase ekanisa ya abadibentista! Na emiaka emenge mono ime ase Ekanisa Entigari ya Filadelfia! YESO tabamanyete buna abamo ba **abachenu.**

(16) Bagaaka egeturi bakoreri neriogi; ebirero bi'obororo, korende YESO tabaigwete. Nigo achandegete, korende tachieta goonchoka abarigererie, agatiga omomalaika oyo bw'obokoreri akore emeremo yaye y'okobasokia.

(17) Abanto aba bagaaka egeturi naende bagatwora, **“Nigo tomwanchete YESO! Nigo tomwanchete YESO!** Ekaba bosa. YESO tairaneretie ebirero biabo bi'ogokwa omoyo. Bosio bw'ekerogo ki'amabera, agatigara atamanyeti ebirero biabo. Nigo barenge abanto barwete ase Ekanisa ya Filadelfia Entigari.

(18) YESO agatebia omomalaika onde akonye omomalaika oyo. Bonsi babere bakababwata amaboko. Bakabogorigwa nabamalaika aba na bakabekwa isiko.

Chindoto na Amaroro

Egesieri 538, Oborori Namba 4

OBORORI

(1) Nyuma yekio, naki omorembe okabete, omotimoko!

(2) Nyuma yeki kiarure gokorekana, nkarigereria, nkang'useka na YESO, *oyio orenge* omotambe na omoseera, neyanga yaye endabu mono.

(3) YESO akarigereria kera omochenu orenge aase aya. Nkaiguswa: Agansoncha, na bonsi baria barenge aroro. Nigo abamanyete bonsi ase amarieta abo. Nkaigwa ogwatora amarieta abo. Naki akabwate amabera, naki akabwate oboitongo ase abachore baye abwo barwete ase ense!

(4) Naki omorembe okarenge aroro, nomotimoko! Korende omomalaika orenge ase obokoreri agacha gotebia YESO ng'a abanto mbareo bakorokwa abadibentista ba Laodekia abwo bare bosio bwe egesieri gesiekire. Nigo baganyete na batagete basoe hekalu eye ime.

(5) Ase engencho abanto aba, abwo bakorokwa "abadibentista," babwate obomanyi gete bw'omoika bw'obobani bwa Ellen White, na amarieta abo arikire ase chibuku chie chikanisa chiabo nigo begenete ng'a nabo bakonyora oboronge bwonsi bw'ogosoa ime ya aase aya.

(6) Nkaigwa ng'a isiko ye egesieri eke gesiekire konyora bachakire gosiria oboremereria – YESO agakwanera omomalaika orenge ase obokoreri nerioyi rinene,

"Timbamanyeti.

Chikanisa echi chia SDA, amo nabegeni babo, nigo babwate ekemanyererio 666 gia ise, kerecha. Nigo bare ebirecha bie chinyama namanyinga."

(7) Omomalaika bw'obokoreri akanyora ogochika korwa ase YESO tabaisa kobaigorera:

"Mbatigare

basiekeire egesieri

kare na kare," Omwana o Nyasae agateba.

(8) Ekeru baganyete ase ekeru egetambe isiko magega y'egesieri, na ekeru baroche ng'a tibari koigororwa, nkaigwa ebirero biabo bi'ogokwa omoyo, ebirero bia amakweri nabio naigwete: **"Toigorere! Toigorere!** Ogoita ebikoe, ogweitia... Bakamora *egesieri* nechinkundi chiabo goika abanto aba, abadibentista, Ekanisa ya Laodekia,

bakamanya ng'a egesieri tigeikoigorwa rinde naende.

Basiekeirwe egesieri eke

KARE NA KARE.

OBORORI

(9) Nkarora ng'a YESO nigo ebegete ere omonyene bosio bw'egesasimero kiaye na akagenderera goteba eke iga:

"Ere oyore omochenu, tiga agenderere gwechena.

Ere oyore omonyaboronge, tiga agenderere koba omonyene oboronge.

Ere oyore neubi, tiga agenderere koba neubi."

(10) Omomalaika orenge ase obokoreri akaba okona gonkwanera na agantebia, **"YESO nere ogochia koba omoteneneri bwe Esabato.** Tari gochaka bono iga. Nigo **aganyete bamura na basubati bamwabo** 'abatigari' b'Ekeyahudi bare igoro ase ense. Nchera bare gocha ase hekalu ya igoro.

Ngoika bare bwango."

(11) Ekeru ekio **omosangererekano bwa abachenu** ogatera amatera ye ebako ase okomoa YESO obonene.

(12) Akandareria ng'a Oyominto Ellen White na Momura ominto James White nao bare aiga ng'a nigo bare eroo ya gatato ensemu asende.

(13) Ngatenena ng'ende kobakwania, erio nkainyora ng'a tindi gokwana Egesongo. Konyora nebire. – Agantebia, **"Bwango abachenu ngoikerana bare."**

(14) Togatera ogotera oko kw'ebako: "Naki ogakare omotimoko oigoro, YESO, koba oyoo!" (ogotera kwa abatigari kwe Egefaransa 292)

(15) Engaki enke mono egaeta; erio nkarora omwana o Nyasae okobeka egetaabo kiaye kegwoke inse na akagenda gochia ase egesieri aigorere bamura na basubati bamwabo Abayahudi, egekogera nere bweka omanyete ng'a konyora baikire na nigo baganyete isiko y'egesieri gia hekalu.

(16) YESO akarusia ekeigorero (ekebunguo) korwa ase okoboko kw'omomalaika bw'obokoreri

abaigorere *egesieri* na abarente ime na kobaorokia ebirogo biabo.

⁽¹⁷⁾ Nigo narengere isiko ye hekalu ase oborori amo na YESO. Nkarora ng'a **bamura na basubati bamwabo "abatigari" b'Ekeyahudi nigo baganyete**. YESO akabamanya agwo agwo. Nigo orenge omogoko kobaarigania. YESO akaagata oyomo ase oyomo ase amaboko aye. Nigo kwarenge okobaagata ase egekuba kiaye igoro buna ise nomwana oye. Omwana o Nyasae onyorire eamate yaye ya Abayahudi naende, abatigari baria abake abwo bare abaya mono asare, **abwo barendete Esabato igoro ase ense**, na **abwo banyorire oboronge bwaye**.

⁽¹⁸⁾ Nkarora ng'a abanto aba nigo **babareretwe oboronge goetera ase okoigwera** na nigo **barendete amachiko a Nyasae**, abegenwa ase amorokererio aye.

[“Korende bono bwaorokigwe {*okomaanoka kw'obobisi*}, ase amariko `ababani, bwamanyekanire ase abanto b'ebisaku bionsi buna nyasae o kare na kare achigete, erinde baigwera na kwegena.” *Abarumi* 16:26. “Yeso Kristo Omonene oito, asare ere **ntwanyorete obuya na obotomwa, tonyare koba nokoigwera gw'okwegena** ase egati ya abanto b'ebisaku bionsi, erio ase engencho y'erieta riaye; abwo ase **nainwe abanyene abamwarangeretigwe koba aba Yeso Kristo**; inwe mwensi abamomenyete Rumi, abanchwa ba Nyasae, **abamwarangeretigwe koba abachenu...**” *Abarumi* 1:3,5,6,7.]

⁽¹⁹⁾ YESO akabanchera, oyio abaariganetie basoe ime ase hekalu yaye, na babe amo na baria bande baye. Tibarenge abanto babwate ebirengererio ebiyia na ebiao ebio bire mamincha na keria abanto abange begenete, gose abenaro.

⁽²⁰⁾ Nigo orenge omogoko omonge. YESO akaba nomogoko bw'okoarigania abanto baye omonyene, **Abayahudi buna ere** egati ya abanto baye abwo konyora basangererekanire abwo bare **Abayahudi ase okwegena**.

⁽²¹⁾ **YESO agatebia bamura bamwabo barusie chikobia chiabo chimwamu**; ekio bakorete. Bagachibeka ase egekuba kiabo igoro, na Omonene akabasoyia ime, amo na abarugi babo

babegete chiveili/ebirebi egati yabantu baye. Nkarora ng'a abakungu babegete chiveili mbasoete ime ya aase aya.

Chindoto na Amaroro Egesieri 538, Oborori Namba 5 **OBORORI**

⁽¹⁾ YESO nigo aganyete, ogokerete engaki eyio, ekeru narochi Abayahudi bagocha korwa ase ense, bagaika ase egesieri gia hekalu. Bakamokwania YESO.

⁽²⁾ Korende nkaba nomoichano ng'a oboamate bwobomwabo obo tibwana kobao, ogocha oko inka; nigo kware ogokendu. Nkwana tichiarengere aroro amo na YESO. Nigo bakendesete. Okoagatana tikwarengere; obokendesu bwarengere.

⁽³⁾ Tibamokwanerete. Nigo barengere abantu batakumeti. Amaene tibamomanyete YESO. Nkarora ng'a abantu aba nigo barengere Abayahudi, korende tibamomanyete ere ning'o orenge. Nigo baigwerete amorokererigwa aye buya mono, korende tibabwate obuya boria bogotooria, na okwegena.

⁽⁴⁾ Engaki ekaba aroro y'okoganya, egekogera YESO nigo aganyete. Erio bagachora gosoa, nonya barengere buna bare ime ye hekalu, na bagakwana amo na YESO.

⁽⁵⁾ YESO akababoria barusie chikobi chiabo chinke korwa ase emetwe yabo. Tibancheranete neki baboretigwe. Nigo barengere abakendesu ase Omonene obo. Bakarora obosooku ase okoborigwa oko, tibasoa.

⁽⁶⁾ YESO nigo aganyete, egekogera nigo are omoremereria. Bakaamereria basoe ime ase hekalu y'Omochi Kare bare nechikobi chiabo chinke. YESO agateba, “Yaya, rusia chikobi chiaino chinke.”

⁽⁷⁾ Bakarora obosooku ase ogochika oko, bagachaka gosuka korwa asare. Nigo baganyete omwana o Nyasae abatebie “Ee, nabo mogosoa hekalu yane nechikobi chiaino chinke.”

(8) YESO akanga naende ekio bare koboria. Akabatebia “**YaYa.**” Bakagechigwa na bagasoka, bakagenda. **Tibatagete komoigwera YESO.**

(9) Ekeri YESO atebete “yaya,” nigo aminetie, “yaya.” Nigo barenge aberori mono, baisanetie abanyene mono, igoro y’ogotooreka ase ebikorwa. Tinaroche ogwekeyia konde gwonsi bosio bw’oyore **Omonene BW’OBOTONGI**

(10) Bakagenda, bagatirimbokera ebitangora biria biabairanetie gocha ase ense. Nigo bare abakendesu, korende YESO nigo abanchete, akabaganya bairane naende.

(11) Bakairana. Okoboria nakwo koria koria gwa kera engaki basoe ase hekalu yaye babegete chikobia chiabo nchinke. YESO, atari goonchoka, akabatebia: “**YAYA.**”

(12) Buna abwo nyuma, akabatebia, “Rusia chikobia chiaino onye motagete gosoa ase ogosasima gw’Esabato ime ase hekalu yane.”

(13) Agateba, “Ime ase hekalu yane abasacha tibagwetuba nechikobia gose chikobia chinke. Abakungu nigo barabeke chiveili/ebirebi.

Chindoto na Amaroro Egesieri 538, Oborori Namba 6 **OBORORI**

(1) Ngatigara egeka geke inche bweka amo na YESO. Nigo aichanete igoro y’okoirana kwabo gochia ase ense. Naki akabanchete!

(2) Nkamanya ng’a amaene tibarengere abamura bamwabo. Tibamomanyete. Nigo barengere abanyabibe. Nigo bare komotunyana Omonene igoro ase ense ase enchera ya igoro igoro bosa igo. **Tibamomanyete YESO.** Tibabwate obwanchani ime ase chinkoro chiabo. Nigo barengere abakendesu, bare aare. **Omonene nere amache y’obogima;** tibanywete amache aya.

(3) YESO agantebia, “**Kwarorire ng’a nigo babegete chianga chire neubi? Tibatubire noborongere bwane. Amaene tibamanyeti inche ning’o.**”

(4) Obokiriru bokabao. “Tibarengere abanto babwate ebirengererio ebiyia na ebiao ebio bire

mamincha na keria abanto abange begenete. Obwanchani bwa Nyasae, na amachiko aye, konyora tibiraira emeri ime ase chinkoro chiabo. Nigo barengere aba igoro igoro, okwegena kwabo nigo kwarengere okwa obotindi, okwo kogwancherana noboonchoreria obobe mono bw’ebikorwa bia siasa, na baremeire okwegena koria kogotooria. Nigo bare abaiseke abariri - Ogotooreka goetera ase ogokora - buna abadibentista.”

(5) **Ogotooreka goetera ase ogokora, abaiseke abariri, batamomanyeti YESO bori, abagwancherana noboonchoreria obobe mono bw’ebikorwa bia siasa/bi’okoamererania, abatindi, baremeire okwegena koria kogotooria, nigo banchete amachiko, korende tari YESO bachete buna Omonene BW’OBOTONGI.**

(6) YESO namanyete ng’a nyuma y’ogocha kwa bamura na basubati bamwabo b’Ekeyahudi, baboyirie noborongere bwa Kristo, onde taiyo naende orengere gocha. Omwana o Nyasae akanacha gosaria engasi eyio yabwatanetie ense gochia igoro.

(7) Yeso agaika gochia inse ase ekerinero eye nomomalaika oria orengere ase obokoreri, bakamongera *barore* gose onde narengere orengere gotiira gochia ase hekalu ya igoro naende.

(8) Nkamorora YESO ogouterera engasi eye. Omoika bw’omonwa oye okayesamba nomorero erio ayesarie kegima.

["Omoika bw’omonwa oye nigo ogosoka buna ekebemberi ki’omorero, na omorero nigo ogosoka korwa ase omonwa oye." Ayubu 41:21. "Ere takogamba ebina buna amaiso aye ararore, gose takonacha ebina buna aragwe namato aye. Korende nigo arabae abataka oborongere bwabo ase okonacha ebina, tagokora ogwanchereria ase abaitongo b’ense. Naake ense nenyimbo y’omonwa oye, **naite abakori amabe nomoika bw’omonwa oye. Oborongere nabwo borabe orokini rw’ekenema kiaye, na obwegenwa bobere orokini rw’okweboera. Isaya 11:3-5.]**

(9) Omorero ogasaria engasi eye. Na nkarora omwana o Nyasae amo nomomalaika orengere ase obokoreri. Omorero okabumbucha bwango na gosamba ekerinero eke, goika igoro ase hekalu. YESO amo nomomalaika oye orengere ase obokoreri

bakaayerera gosoa ime, abwo ase abachenu batamerete.

⁽¹⁰⁾ Erio nkarora ng'a YESO nigo abungete egiesieri mara kabere ase okomina ekebunguo mara kabere ime ase ekeburi. Akagesieka kegima getaigorwe rinde, kamanyete ng'a onde bwensi otari oyoye omonyene tagocha komochanda.

⁽¹¹⁾ Korende nyuma yekio, nyuma konyora egiesieri eke gatarasiekwa getaigorwe rinde, abanto gete bagakong'onta egiesieri. Ere bweka koigora egiesieri. Tachieti koboria omomalaika oria orange ase obokoreri akore ekio.

⁽¹³⁾ Akababoria, **“Inwe mbarabi!? Ng'ai mokorwa!?”** Naende nigo barenge abadibentista.—YESO agateba, **“Timbamanyeti. Irana gochia ase abapasta baino abatayayi na abataeregita baino, abwo bare ebibago, abaiti ba abana. Irana gochia asebare.”**

⁽¹⁴⁾ “Mwamanyete ebikorwa biabo, mwabwatanire nabarabwo ase okogechia kwabo na mwagwancheranire. Nainwe boigo mwamochigwe ase engencho y'okogechia kwabo. Nkobaigorera nde egiesieri akeigo.”

⁽¹⁵⁾ Nkarora ng'a egiesieri nkiaigogete akeigo. YESO agancha gokeigora mono ake. Bagakumia korora ng'a nao naikaransete ime ase hekalu eye, ase obonene bwa Nyasae. Bagasieka emenwa yabo.

⁽¹⁶⁾ Erio YESO akabunga esegieri mara kabere nekebunguo ekenene ase ogokemina mara kabere ime ase ekeburi. Egiesieri kegasiakwa igoro getaigorwe rinde.

⁽¹⁷⁾ Nomorembe okare naki! Nogotimoka kogakare naki! **Omoika o Nyasae ogaeta igoro ase abachenu buna embeo,** na obonene bwa Nyasae nigo bwarenge gosoka korwa aase aya.

⁽¹⁸⁾ Nigo twarenge ase omorembe bw'Esabato na ogosasima, obwansu bwa YESO, ogosoncha kwaye okuya mono, kogaochokanana nobwanchani obonge ne rimisu rigotioka buya rierioki korwa ase egetaabo kiaye. Nigo riarenge gotioka buya.

⁽¹⁹⁾ Buna amanyete omoerio bw'ensa ase ense eye, na ogoiterwa kwa amaakwa na biria ararente

igoro ase ense, **YESO osiekeire abegenwa baye bonsi ime amo nere. Nigo bakengeire ime ase hekalu ya igoro. Tibagosoka isiko rinde nonya ng'ake.**

Chindoto na Amaroro

Egiesieri 538, Oborori Namba 7

OBORORI

⁽¹⁾ Nkarigereria. Nigo twarenge ime ase obonene bwa Nyasae. YESO akarigereria abaye omonyene; na nkarora ogoisaneka igoro ase obosio bwaye. Abachenu nigo barenge abasesenirie ase obwanchani bwaye. Tibatagete gosoka korwa aase aya. Ase hekalu ya igoro nigo barenge buya amo na YESO.

⁽²⁾ **Nigo bakengeire korwa ase abanyabibe,** na bakengeire korwa ase amaakwa atano na rimo ayio akogwa kera rituko igoro ase ense, na bakengeire korwa ase riakwa ria gatano na kabere.

⁽³⁾ Buna basiekeire amo na YESO ime ase hekalu ya igoro, na baikaransete aase aya, tibagotirimboka rinde gocha ase ense, gose abaiseke abariri tibakoriina gochia igoro. Nigo bakengeire. Nyasae tata, omwana, ime ye hekalu ya Nyasae

⁽⁴⁾ **Mbasesenirie baria Nyasae asoyirie ase omoganda oyo!**

⁽⁵⁾ YESO nigo abasiekerete egiesieri kare na kare, obakengerete korwa ase abanyabibe, korwa ase saitani, na korwa ase ebirecha biaye. **Buna basiekeire ime amo na YESO, tibagosoa ase ebibe bi'ense eye. Nyasae obaatananire korwa ase obwanchani bw'ense eye.**

⁽⁶⁾ Ase enchera eyio, nigo bare abachore ba Nyasae (oyio obaatananete korwa ase ense eye eyio emenyete ime y'ebibe). Abachore baye tibagoikerwa rinde nemechengo nemegoko y'ense eye. Nigo baikaransete amo na Nyasae ase obonene bwa tata, omwana, na obwa omoika omochenu, ekiagera ise obo o igoro obakengeire,

OBASIEKEIRE IME.

(7) Bono tibatageti gwaatananekana rinde korwa asare. Abachenu bakengeirwe, basiekire omoerio bw'obogima bwabo bw'ense eye.

(8) **Egesieri ki'obuya giasiekirwe getaigorwe rinde, na ase abaiseke abariri, egesieri eke nabo keratigare gesiekire kogenderera goika kare na kare.**

(9) Tosiekeire ime amo nere, **amo na YESO, nigo tore ase oborendi oboikeranu.**

(10) Omomalaika orenge ase obokoreri akamanyaia igoro y'okobao kwa Ellen White na James White ime ya aase aya. Nkamanya ng'a YESO osangereirie abachenu baye bonsi korwa omochakano bw'emeremo y'omomalaika o gatato ase omwaka o 1845 gocha aase aya, na ase amatuko y'omoerio abachenu ase *Chindoto na Amaroro* goetera ase Jeanine Sautron chia omomalaika o gatato na oyo kane.

(11) **Obotomwa bwa omomalaika o agatato na oyo kane bwaerire. YESO omonyene nere ochete gokoora emeremo eye ase YouTube na ase intaneti.**

(12) Abachenu bonsi nao basangererekanete ime ase hekalu eye, na YESO akabakora baikaranse amo nere- bamura na basubati bamwabo, Abayahudi ase okwegena, na bamura na basubati bamwabo, Abayahudi ase erieta – na amo na abaye omonyene konyora batiekire gosangererekana. Tosangereire, tosiekeire ime amo na YESO, nigo twagogete.

(13) Ebinto bi'ense igo biarusirie kegima korwa asende. **Omonto bweka naroché, oyio narigereretie, nigo arenge YESO, oyio enkoro yane yanchete mono kobua.**

(14) Egati ya abachenu, nkeigwa ng'a nigo orenge omotimoko bw'ekeene bw'Omochi Kare. **Esabato enchenu yairanirie obonene bwaye.** Nyasae nigo arenge gotogigwa na gwanchwa mono.

(15) YESO, gaisanegete, agatorigereria buna ekeegwa gia ise, na okwama kw'obwanchani bwaye. Ase abachenu baye akarora oboseera bw'embwa yaye:

OBWANCHANI NA OBOCHENU.

(16) Nkaigwa bokong'u mono **embeo y'omoika omochenu kegoeta igoro ase omosangererekano oyo.** Nkaigwa chialléluya; bonsi baboyirie neganchwa **y'oborongé bwa YESO.** Naki ekare omogoko omoikeranu!

(17) Abaiseke abariri tibarengeo rinde naende, gose baria banchete ense ribaga ri'okomwancha Nyasae; gose abasasimi emegwekano, gose abanyaborimo, gose abatamani, gose ebibago bia abadibentista, gose abatayayi gochia ase eng'iti. Ebinto binga buna ebio tibiarengeo. YESO agachena hekalu yaye korwa ase abanto aba.

(18) **Barabwo (abachenu) bakanyora omorembe, omogoko, obotoereru, na obwanchani bwa YESO. Kera egento nigo kiarenge EGEIKERANU.**

(19) **Agatogigwa na gwanchwa mono nabachenu. Abanyabibe konyora baatananirwe korwa aase aya. Ebinto bi'ense tibiabwate ngencho ende y'okoba aase aya. Bono,**

ogochora kw'obuya bwaye kwaerire.

YESO ase egeka egetambe ase egesasimero eke, agatoichoria nerioiki rire ne rimisu rigiya korwa ase getaabo kiaye.

(20) Abachenu nigo basiekeire ime yaye, koborokia ng'a omwana o Nyasae nigo arenge nekerenga gi'okomenya amo nabarabwo. Osiekeire abachenu baye ime ya hekalu ya igoro amo nere.

(21) **Bonsi baria bachorirwe goetera ase ogochorwa kw'obuya bwa Nyasae tata, omwana, na omoika oye omochenu, nigo bare ime ya Nyasae, na Nyasae nigo amenyete ime yabo.**

(22) **Tiga togoke, baria twabwatanire amo na YESO na amo nabachenu, na twabekeranigwe amo ase omoganda oyo goetera ase okobwatana amo na Nyasae tata ime ya YESO buna omonto na ime y'omoika omochenu oye.**

(23) Amo na YESO, bionsi **nomorembe na ogotimoka, na baria bare ime ya YESO Kristo nigo bare ime yaye kare na kare.**

(24) **TIBAGOSOKA** rinde korwa ase hekalu yaye ya igoro, ekiagera **obwanchani bwa YESO, na obwegenwa bwaye bwabasiekeire ime kare na kare.**

(25) Obobe obwo bwesiarerete igoro ase ense, na amakwa ayio onsi akogwa igoro ase ense, kera egento keria kegokorekana inse igaa tige kobakora basoke korwa aase aya aachenu.

(26) Abachenu nigo baikaransete buya amo na **OMONENE BW'OBOTONGI, YESO, oyio ore omonene na bwe chinguru chinyinge.** Naki akare omonto **bw'ogwanchwa mono!**

Chindoto na Amaroro
Egesieri 538, Oborori Namba 8
OBORORI

(1) Aase aya nigo arenge gotioka buya nerioki rie rimisu rigiya ri'egetaabo kiaye. Bonsi nigo bamobetete amaiso, asare ere oyobachorire na kobasiekera amo nomoganda oyo o Nyasae. Nigo twatimokirie, twasiboire korwa ase ebitango bionsi. Esabato ngochia gochakwa yarenge na YESO omwana o Nyasae.

(2) YESO akararia ogotera Chinamba 28 erio tochake ogosasima gw'Esabato.

(3) Nigo twarenge buya. Ime ya hekalu, ebinto bi'ense konyora biasirire korwa ase ebirengererio biaito. Nigo twarenge nesiko bosio bwa YESO omwana o Nyasae. Titwatagete gosoka korwa aase aya rinde.

(4) Togatenena nebitabu biaito bi'amatera; na twensi nigo twateneine bosio bwa Yeso, na amariogi aito, togakora ogotogia gwaito kogatiira gochia ase Nyasae, togotera ebibungo 4 bi'ogotera oko okuya mono Namba 28[epechi 651 ase Ogotera kw'Egesongo].

(5) **Obokiriru, omorembe, omogoko, ogotimoka** nigo biarengere korwa ase **YESO.** Amasio onsi akarabigwa **nobonene** bwarengere korwa ase **YESO** ime ya aase aya.

(6) **Amang'ana aya agaichora ase enkoroyane:**

“Obokiriru! Obokiriru! Obokiriru! Omoika ngoika ore...”

Obokiriru! Obokiriru!

1. Obokiriru! Obokiriru! Omoika ngoika ore:
Rora okobao kwa Nyasae Omonguru!

Ekorasi

Obokiriru! Omonene ngokwana
are nobwanchani.

Na ngotokora are tomanyemorembeye,
ase rituko eri.

2. Obokiriru! Obokiriru! Tiga tosike aase aya.
Obee! kogechia konde tigorokorwa gochia ase Nyasae!

3. Obokiriru! Obokiriru! Na tiga torengererie gochia ime mono.
Ase okwangama tiga tosabe ase amaru aito.

4. Obokiriru! Obokiriru! Engaki ya beene,
Ekero enkoroyane egotiira gochia ase Nyasae o igoro!

(7) Kera egento aroro agwo nigo kiarengere egeikeranu: omotimoko bw'Esabato. **Omoika omochenu o Nyasae ogaeta igoro asetore na gotokong'ia.** Nkaigwa omorembe ime yane, na ime yabo, omotimoko bw'ebirengererio na omobere. Togatera ebibungo ebi bine.

(8) Ekero ki'ogotera oko kw'ogotogia ngasiria enchera y'ogotera oko ase egeka egeke. Nkarigereria. Abachenu bonsi nigo baboyirie eganchwa endabu y'oborongere bwa kristo. Chianga chiabo, chigosaseria noborabu, chikamesa buna oborabu bobaetanaine.

(9) Nkerigereria omonyene, mboyirie neganchwa endabu y'oborongere bwa YESO. Okweyana gwe chinguru chinene, chinguru chinene, kw'omoika o Nyasae kogaeta igoro asende. Ngakanya amaiso aane. Nkamanya ng'a amagoro aane tabegete bikoroto; na abachenu bonsi tibabegete bikoroto.

(10) Nkarigereria. Eyangayane endabu nigo yaroiseirie linen esonire nomosono o igoro. Erio

nkairanerera ogotera oko Namba 28 amo nabachenu; na *erio* YESO agatoboria totung'ame inse ase ogosaba.

⁽¹¹⁾ Ngakanya amaiso aane; nkaigwa amang'ana y'Omonene kagokwanera ise:

“Tata, abwo kwang’ete ninganetie babe nainche kare na kare.”

⁽¹²⁾ Ngogete ase ogosoyigwa ase omoganda oyo goika kare na kare, **nigo ndatigare goika kare na kare ime ya hekalu eye nsiekeire ime amo na YESO. Mbasesenirie baria basoyigwe ase omoganda oyo.**

⁽¹³⁾ Nkamorigereria. **Enkoro yane nigo yaichire nobwanchani gochia ase omotooria oyo! Akandigereria na gonsasokera.**

⁽¹⁴⁾ Nyuma yekio, nkarigereria na *nkarora*, ng'a tari omomalaika oria orange ase obokoreri oboyetie Momura ominto Roy neganchwa y'oboronge bwa kristo. YESO omonyene nere oboyetie momura ominto Roy Lemke, neganchwa y'oboronge bwaye. Eganchwa ya momura ominto oyo, naki yakarengenge endabu! Nkarora ekieni kia YESO ime yaye.

⁽¹⁵⁾ Erio YESO akebeka omonyene bosio bw'egesasimero. Nigo abwate oboamate bwa beene mono amo nainche na momura ominto oyo.

⁽¹⁶⁾ Ase emeremo eye ye *Chindoto na Amaroro*, YESO agatotebia: **“ Nigo morakoore emeremo eye more amo. Jeanine nanyore amorokererio aye, na Momura ominto Roy natumie chinkwana echi gochia ase ense:**

**Erio OMOERIO
omanye gocha.”**

⁽¹⁷⁾ Agateba, “Aye nere more amo erio omoerio omanye gocha.”

⁽¹⁸⁾ **Obobani obo
Ngoikera bore omoerio oye.
Na engaki y'ense eye
yaerire.**

⁽¹⁹⁾ Omonene namanyete abaye igaa ase ense eye, bakonyegerigwa namaakwa atano na rimo ayio akogwa igoro ase ense. **Obakengeire.**

⁽²⁰⁾ **“Abamalaika babekirwe ase oborendi,”** YESO agantebia, **“erio babarende na kobagitera.”**

⁽²¹⁾ **Bono abachenu nigo basiekeire ime amo na YESO.**

⁽²²⁾ Agakora okomaanoka oko asende: Emiaka ende teiyo, gose amatuko, gose chinsa. Nigo ore OMOERIO o bionsi inse igaa: YESO ngochichare!

⁽²³⁾ Okonyorwa okonene ase abamenyi b'ense eye, Nyasae orusirie oborendi bwaye korwa asebare. **Egesieri kia igoro giasiekirwe kare na kare.**

YESO ORURE ASE ENSE,
otigire abamenyi baye inse y'obogambi bwa saitani na obwa ebirecha biaye.

⁽²⁴⁾ **Nokonyorwa okonene mono ase abaiseke abariri, okonyorwa okonene mono!**

**Egesieri nabo
keratigare gesiekire
GETAIGORWE RINDE.**

⁽²⁵⁾ Kristo ataiyo nigo torasire, korende ime ya Kristo YESO nigo tore ase oborendi oboikeranu.

⁽²⁶⁾ Endamwamu ya Nyasae tayare nigo egendererete korindoka gocha igoro ase ense bwango na mobosokano.

⁽²⁷⁾ YESO agateba:

“Inwe abanto baane, inchuo mosoe ase chiero chiaino mwesiekere aroro, mwebise aroro ase engaki enke, goika endamwamu eyio ebe yaetire. Rora, Omochi Kare ngosoka are korwa aase aye, ae abanto bamenyete ase ense egesusuro ase engencho y'ebibe biabo. Okomocha kw'ogoitwa kw'amanyinga ase ense nkobe maiso marore, na ense tekogenderera kobisa abanto abwo baitetwe.” *Isaya 26:20, 21.*

⁽²⁸⁾ Ogosaba gwaito noko:

**“Omonene, tobise
goika endamwamu yao yaetire.
Siekera abachenu bao
ime amo naye goika
endamwamu yaetire.”**

⁽²⁹⁾ YESO agacha na agasieka egesieri kia igoro. Nigo erabe bosa ng'a abange mbache na gokong'ota ase egesieri eke.

⁽³⁰⁾ **Ase abaiseke abariri, egesieri eke nigo keratigare gesiekire GOIKA KARE NA KARE.**

Jeanine Sautron